

乾隆永清縣志

禮書第三

永清縣志第十一

史遷禮書采用荀卿禮論擷取大旨。至於籥豆笙磬之數揖讓跪拜之文。遷例自謂存之有司。班志合樂於禮。略存樂官員數。而禮樂大旨亦僅存于劉向定禮樂疏。此則古人作史貴識大體之明徵也。後代詳紀名數。少徵論著。核其名實。可備一朝掌故。而不足以立一史心裁。是則著述之體與類次之法。分部而行。固亦相資爲用者也。近世喜高論者。不取纂類之法。好徵實者。或譏班馬之文。是則知一而不知二。固守其說而不知通變之法矣。

杜佑通典。禮制悉存儀節。而取前人論著。折衷已意。別爲禮議二十餘卷。此則專門之書。自成鴻製。可也。若以史部通裁。則纂類之故事。與獨斷之家學。離則雙美。而合則兩傷者。其義固難倣也。然而獨斷之才。不世出。而及時撰集。見聞以備後人之資考。則儀文

節度固亦不厭其詳也。是以隋唐而後著述鮮聞而編次之書乃接踵矣。

司馬彪續後漢書始易禮樂而爲禮儀。此則後世儀注入志之權輿也。然而別祭祀于禮儀而禮節編次一歲之時序。雖若異乎曲臺經紀要亦月令明堂之遺意也。一代掌故自有經要五禮六樂鉅細兼該司馬氏一家之言固非所以立史例也。若大方志之體本無著作之權所謂社稷壇廟與夫一切典禮則皆謹遵

令率而行之。無有廢事則以春秋常典爲準。先後編其次第抑亦可以率由舊章矣。其有會典集禮所不載而今爲州縣通行者一例通載庶俾禮家有所稽焉。

州縣之志學校多用聖賢名位俎豆器數樂章舞節書籍規條此則

功令所頒普天同例。苟爲一體敷陳。則文煩而不知所以殺矣。今以修建廟學。隸于建置之圖。師儒姓氏存于職官之表。若夫孔子世家自有專紀。大成樂制。別具太常。非一縣所專。例所當略。且亦家有其說。無事綴旒。惟入學生徒。乃是一方定額。爲茲編錄。以脩掌故。至春秋祀事。雖屬寰宇通行。然本儀注之篇。特錄入焉。

周官五史。領於宗伯。典斯邦籍。古有專官。班固仍七略而志藝文。流別皆溯古人官守。此政教之能知所本也。班氏不以藝文標識太史職守。則十志不用漢官綱領之咎也。唐人六典于祕書之監。不脩藝文。與他官之不具掌故。皆爲一時闕典。是固不足計也。若論史法。則書志大原。必追官禮。藝文不得自爲篇第。必歸校書之官明矣。州縣之志。藝文多失班固之法。問有載書目者。亦復不知隸于所司。此則著述不得古人要義。未可悉與深言者也。但永清

屢經兵燹。典籍無存。考求古今。竟無著述可存部目。惟杜英有書數種。寥寥不可成篇。是以錄入本傳。不復別創藝文篇目。發其例於首簡。以明禮書法之所宜具。有如此爾。

風俗通義。遠引經傳。家禮書儀。近洽人情。事有不載。先聖典訓。又非出于當時律令。古人亦具論次。是以禮書謹載制度。而俗禮土風。隨類附焉。蓋亦問俗採風之遺意爾。

禮房典吏一人。掌祭祀之牛。及

帝籍之耕牛。歲正月。令牙人選牛之純黑而少角者。呈順天府以待府尹之採擇。

掌搜訪遺書。及稽察書籍之非法者。若館閣徵輯故事。蒐羅金石古蹟。寺觀祠墓之屬。則書其實而上之。

掌順天府鄉試禮部會試之謄錄書手。

凡遇鄉會試府尹檄縣派撥繕書送府考驗進貢院謄錄硃卷會場十二人鄉場三十人凡文武鄉會試通判治中各三人繕寫龍門點名之冊里書供其役事。

凡里書編戶十有二里仁和里崇文里南關里黃村里高庄里別古里仲和里永安鎮里义口里富貴南里東川里王希里明初編二十二里今併爲十二里甲凡一百有二十其軍屯五民屯十二在宜禮鄉。

掌春秋壇廟之祭祀及一切典禮之儀注。

慶賀儀注

聖誕元旦長至千秋節國家祥瑞先期知縣率屬習儀

關帝廟畢衆官跪請龍亭供奉縣堂上右列儀仗日鼓吹三次印官不升堂視事至日三鼓衆官赴縣治慶賀如制文武官具朝

服分東西班。叙丹墀下。班定行初事禮。三跪九叩畢。班首官進詣香案前。致祠祝贊畢。復位。又行九叩禮。然後山呼九叩而退。衆官跪送。龍亭仍奉

關帝廟內。

接 詔儀注

印官穿朝服坐轎。率領文武官員迎出郭外。跪接畢。印官坐轎行至龍亭前。禮生讚行三跪九叩首禮畢。禮生讚詣受

詔位跪受。詔畢。行三叩首禮畢。平身開讀禮生讀。詔畢。將 詔

仍俸至。龍亭。印官謝

恩。行三跪九叩首禮畢。回署。

開讀儀注

詔敕將至。先日聞于縣。縣率屬設儀仗郊迎于城門外。鼓樂前導。至

大堂開讀禮儀遵式行之。

蒞任儀注

先日致齋于城隍廟。凌辰祭城隍。遂詣本治具公服謝

恩。祭門祀竈。易服受謁。與僚屬乃署公移。次日謁

文廟。

救護儀注

日食豫行所屬前期布香案于縣治露臺。金鼓列儀門。樂列臺下。拜位列露臺。上下俱嚮日。至期陰陽官報日初虧。文武官俱朝服贊唱拜禮。皆跪執事奉鼓詣班首官。擊鼓三。衆鼓齊鳴。及報圓贊唱拜禮畢。月食亦如前儀。

迎春儀注

印官穿朝服。坐轎出東門。行至春廠。同各官飲春酒畢。禮生引至



芒神前讚就位。揖禮畢。芒神同春牛前行。印官隨後坐轎進東陞門。行至衙門大門內。禮生引至芒神前。讚就位。揖安神。禮畢。同各官在大堂飲春酒畢。進署。次日打春。印官穿朝服。禮生引至芒神前。讚行二跪六叩首禮畢。禮生讚引主祭官行三獻禮。詣酒尊所。執事者酌酒。詣芒神神位前。跪初獻爵。亞獻爵。終獻爵。叩首興平身。詣讀祝位。跪衆官皆跪讀祝畢。叩首興平身。復位。又行二跪六叩首禮畢。鞭春禮生引至牛前。讚就位。揖鞭春。圍牛轉三遍畢。揖鞭春畢。回署。

鞭春儀注

每歲立春前一日。印官具朝服。率僚屬出迎薰門。祭芒神春牛。行五揖四拜禮。迎于東郊教軍場。演戲劇。面供縣大門內東側。越明日。按立春時刻祭拜。隨各執綵鞭擊土牛三匝。僚屬如之。

行耕儀注

印官穿朝服坐轎行至東門外先農壇前禮生讚行三跪九叩首  
禮畢禮生讚引主祭官行初獻禮二人引讚詣酒尊所執事者酌  
酒詣先農神位前跪初獻爵叩首興平身詣讀祝位跪衆官皆跪  
讀祝畢叩首興平身復位又讚引行亞獻禮畢復位又讚行終獻  
禮畢又讚詣飲福受胙位跪飲福酒受福胙叩首興平身復位又  
行三跪九叩首禮畢換蟒袍行耕畢謝  
恩又行三跪九叩首禮畢回署

文廟儀注

印官穿補服坐轎行至

文廟殿前禮生讚就位揖詣領牲所領牲畢揖回署次日黎明印  
官穿朝服坐轎行至

文廟殿前。禮生讚執事者各司其事。主祭官就位。助祭官各就位。瘞毛血。行三跪九叩首禮畢。禮生讚引主祭官行初獻禮。二人引讚詣盥洗所。執事者酌水。進盥。讚酒尊所。執事者酌酒詣

至聖先師孔子位前。跪獻帛。初獻爵。叩首興。平身。詣復聖顏子神位前。跪獻帛。初獻爵。叩首興。平身。詣述聖子思神位前。跪獻帛。初獻爵。叩首興。平身。詣亞聖孟子神位前。跪獻帛。初獻爵。叩首興。平身。詣讀祝位。跪衆官皆跪。讀祝畢。叩首興。平身。復位。禮生明讚引主祭官行亞獻禮。分獻官行分獻禮。一人引讚詣酒尊所。執事者酌酒詣

至聖先師孔子神位前。復位。禮生明讚引主祭官行終獻禮。二人引讚詣酒尊所。執事者酌酒詣

至聖先師孔子神位前。又讚詣飲福受胙位。跪飲福酒。受福胙。

叩首興平身復位。又行三跪九叩首禮畢。禮生讚獻帛者捧帛獻  
爵者捧爵。讀祝者捧祝。各詣望燎位。禮畢。行至文昌祠。禮生讚執  
事者各司其事。主祭官就位。助祭官各就位。行二跪六叩首禮畢。  
禮生讚引主祭官行三獻禮。二人引讚詣酒尊所。執事者酌酒詣  
文昌帝君神位前跪獻帛。初獻爵。亞獻爵。終獻爵。叩首興平身詣  
讀祝位。跪。衆官皆跪。讀祝畢。叩首興平身詣飲福受胙位。跪。飲福  
酒。受福胙。叩首興平身復位。又行二跪六叩首禮畢。奠爵焚帛。文  
禮畢。回署。

南西壇儀注

印官穿補服。坐轎行至南壇前。禮生讚就位。揖。詣領牲所。領牲畢。  
揖。行至西壇前。禮生讚就位。揖。詣領牲所。領牲畢。揖。禮畢。回署。次  
日黎明。印官補服。坐轎行至南壇前。禮生讚行三跪九叩首禮畢。

禮生讚引主祭官行三獻禮。二人引讚詣盥洗所。執事者酌水進巾。詣酒尊所。執事者酌酒。詣風雲雷雨神位前。跪獻帛。初獻爵。亞獻爵。終獻爵。叩首興。平身。詣境內山川神位前。跪獻帛。初獻爵。亞獻爵。終獻爵。叩首興。平身。詣雲神神位前。跪獻帛。初獻爵。亞獻爵。終獻爵。叩首興。平身。詣本縣城隍神位前。跪獻帛。初獻爵。亞獻爵。終獻爵。叩首興。平身。詣讀祝位。跪。衆官皆跪。讀祝畢。叩首興。平身。詣飲福受胙位。跪。飲福酒。受福胙。叩首興。平身。復位。又行三跪九叩首禮。畢。行至西壇前。禮生讚行三跪九叩首禮。畢。禮生讚引主祭官行三獻禮。二人引讚詣盥洗所。執事者酌水進巾。詣酒尊所。執事者酌酒。詣

社神神位前。跪獻帛。初獻爵。亞獻爵。終獻爵。叩首興。平身。詣稷神神位前。跪獻帛。初獻爵。亞獻爵。終獻爵。叩首興。平身。詣讀祝

位跪。衆官皆跪讀祝畢。叩首興平身。詣飲福受胙位。跪飲福酒。受福胙。叩首興平身復位。又行三跪九叩首禮畢。回署。

雩神儀注

印官穿補服。坐轎行至南壇。

雩神前。禮生讚行三跪九叩首禮畢。禮生讚引主祭官行三獻禮。二人引護詣酒尊所。執事者酌酒詣

雩神神位前。跪初獻爵。亞獻爵。終獻爵。叩首興平身。詣讀祝位。跪衆官皆跪讀祝畢。叩首興平身。詣飲福受胙位。跪飲福酒。受福胙。叩首興平身復位。又行三跪九叩首禮畢。回署。

關帝廟儀注

印官穿補服。坐轎行至

關帝廟。三代殿前。禮生讚就位。揖詣領牲所。領牲畢。揖行至

關帝殿前禮生讚就位揖詣領牲所領牲畢揖禮畢回署次日黎明印官穿補服坐轎行至

關帝廟三代殿前禮生讚執事者各司其事主祭官就位助祭官各就位行二跪六叩首禮畢禮生讚引主祭官行三獻禮二人引讚詣盥洗所執事者酌水進巾詣酒尊所執事酌酒詣三代神位前跪獻帛初獻爵亞獻爵終獻爵叩首興平身讚讀祝位跪衆官皆跪讀祝畢叩首興平身詣飲福受胙位跪飲福酒受福胙叩首興平身復位又行二跪六叩首禮畢行至

關帝殿前禮生讚執事者各司其事主祭官就位助祭官各就位瘞毛血行三跪九叩首禮畢禮生讚引主祭官行初獻禮二人引讚詣盥洗所執事者酌水進巾詣酒尊所執事酌酒詣

關帝神位前跪獻帛初獻爵叩首興平身詣讀祝位跪衆官皆跪

讀祝畢叩首興平身復位禮生又讚引主祭官行亞獻禮二人引讚詣酒尊所執事者酌酒詣

闕帝神位前跪亞獻爵叩首興平身復位禮生又讚引主祭官行終獻禮二人引讚詣酒尊所執事者酌酒詣

闕帝神位前跪終獻爵叩首興平身詣飲福受胙位跪飲福酒受福胙叩首興平身復位又行三跪九叩首禮畢回署

二八月祭戊日祭

八蜡龍王劉猛將軍火神行三跪九叩禮三獻爵馬王土地行一跪三叩首三獻爵

清明七月十五月初一日三小祭儀注

印官穿補服坐轎行至城隍廟禮生讚行二跪六叩首禮畢焚香文畢典史送神至北門外領牲印官回署晚祭印官穿補服坐轎



行至北門外城隍神位前。禮生讚行二跪六叩首禮畢。禮生讚引主祭官行三獻禮。詣酒尊所。執事者酌酒詣城隍神位前。跪初獻爵。亞獻爵。終獻爵。叩首興平身。詣讀祝位。跪祭官皆跪讀祝畢。叩首興平身復位。又行二跪六叩首禮畢。典史安神。印官回署。

送學儀注。

印官升公座。各童在大堂行四拜禮畢。各童披花紅畢。又謝印官四拜禮畢。鼓樂乘騎迎各童先行。印官隨後坐轎送。

文廟率領各童在

大成殿行謁廟禮。三跪九叩首禮畢。行至明倫堂。儒學官在東。印官在西。行送學禮。四拜畢。儒學官轉西。印官轉東。又行四拜禮。四拜畢。印官領各童與儒學行謁見禮。四拜畢。各童謝印官。又行四拜禮。印官西向答揖畢。印官同儒學在明倫堂飲公宴。酒畢。回署。

送學

有酒有旗有紅有花有馬有鼓吹諸生齊集縣堂着衣頂簪花披紅畢至二門外上馬旗鼓前導縣令親領詣學宮謁廟令與學師交拜諸生向學師四拜學師報二拜或免二拜諸生退儒學延印官宴明倫堂故事相沿日昃始得行禮知縣周震榮始嚴風戒事賓與儀注

先期印官具啟投請至期設宴大堂學師南面縣令主席諸生東西向盛酒筵演戲劇儀門外設月橋結綵印官步送橋上舉觴立飲簪以桂花被以綵絹導以絳旗引以鼓吹親送至東門外盒樽數酌畢印官視諸生乘驛馬乃回署故事僅存久無行者知縣周震榮始舉行之

鄉飲儀注

明洪武五年。令中書省詳定條式。十六年。禮部定到鄉飲酒圖式。儀注。令府州縣里社一體行。每歲正月十五日。十月初一日。印官于儒學行禮。前期印官爲主。具書速賓。凡致仕官及民有齒德儒行者。咸與。至且于學明倫堂序立。行相見禮。三揖而後至。階三讓而後升堂。印官于主位東南。大賓位西北。僕位于東北。介賓位次于東南。九十者六豆。八十者五豆。七十者四豆。六十者坐。五十者立。縣佐與學官之屬序齒坐。皆西向。耆老儒士序齒坐。皆東向。教官一人爲司正。揚解致辭。恭惟朝廷率由舊章。敦崇禮教。舉行鄉飲。凡我長幼。各相勸勉。爲臣盡忠。爲子盡孝。長幼有序。兄弟恭睦。宗族外和。鄉黨毋容廢墮。以忝所生。講讀律令。凡國家律令。參酌事情輕重。定立罪名。頒行天下。永爲遵守。百司官吏。預要熟讀。講明律意。剖決事務。若有不能解讀。不曉律意者。初犯罰俸錢。

一月再犯笞四十附過三犯于本衙門通降叙用其百工技藝諸色人等有能熟讀講解通曉律意者若犯過失及因人連累致罪不分輕重並免一次其事干謀反叛逆者不用此律若官吏人等挾詐欺公妄生異議擅爲更改變亂成法者斬歌詩古歌南陔魚麗周南召南等章今惟歌鹿鳴四牡皇皇者華古有揚觶無讀律今制取周官讀法之義所以補揚觶之不足也賓王立聽再揖然後坐凡行酒五行至七行不過十行賓主拜而退俗禮。

正月元旦家設香燭酒果拜天地祖宗閉門罷市盛服賀節元宵張燈十四夜爲試燈十五夜爲正燈十六夜爲殘燈點放花炮晝夜歡呼城門夜分乃閉巡徼者不禁十九日戚黨治酒看相邀一處歡飲謂之烟九二十五日以灰畫于院中作倉囤狀內置五穀

名曰大天倉。俗供獻祭倉神。二月二日。俗傳龍抬頭。用灰撒地。謂之引龍。煎茶豆爲餅。名曰熏蟲兒。初三日。文昌誕辰。演戲慶賀。三月清明節。簪柳于頭。陳蔬饌祭祖先。前數日。各祭掃墳墓。添土掛紙錢。至日。仍祭先于堂。二十六日。俗稱爲本縣城隍生日。相率賽會。奉神像。導以鼓樂旗旛。迎于街。及廟而止。五月五日。端午節。人家挿艾懸符。飲菖蒲雄黃酒。爲角黍相餽。送製五色線。係兒女臂。名長命縷。以辟毒。六月六日。汲水作醬曝衣。及書函。縣西關廂演戲。祭賽八蜡神廟。七月七日。婦女結綵乞巧。十五日爲中元節。設香燭。薦時食于堂。祭祖先。放路燈。爲稱盂蘭勝會。八月十五爲中秋節。陳設牲醴瓜果以祭月。以月餅西瓜相餽遺。飲譙賞月。俗名團圓。九月九日爲重陽節。釀酒賞菊。登高眺望。親戚以蒸糕相餽遺。十月天時和暖似春。故曰小春。朔日俗製紙衣上墓。祭而焚之。

名曰送寒衣。十一月冬至。一陽上舒。日晷初長。故有履長之慶。祀祖先而賀節。十二月爲臘月。八日。雜五色豆米和以棗栗煮粥。食之名曰臘八粥。二十三日。掃舍祀竈。除夕祭先畢。長幼聚飲。燒炭燔柴。以助陽氣。坐至夜半。謂之守歲。貼紙錢門神春聯于門。士夫家皆用桃符。火礮爆竹之聲達旦。

掌學政科歲之試事。儒學廩膳生員二十人。增廣生員二十人。附學生員無常數。每歲試科試錄童生一十五人爲生員。廩生爲歲貢生者。三年二人。拔貢生十二年一人。每逢酉年乃得選拔。選舉姓氏俱列

表于

掌報捐輸粟之監生。每季終彙上監生之結狀。

掌舉報境內之忠孝節義。臚其事實呈于上官而請。

旌于朝。

掌城村之鄉約鄉黨公推老成而有德者以爲鄉約亦漢代三老之遺意蓋亦主於勸民爲善者也無則缺之

兵書第四

永清縣志第十二

左氏春秋屢稱軍志。夫國之大事在祀與戎。軍事之見于紀傳古蓋有專志矣。史遷以律書而論兵制。豈有得於師曠之吹律而知其軍數歟。班固漢志以兵屬刑法。蓋取古者大刑甲兵之義耳。第將軍廷尉既分其職。而漢官之儀不爲各敘所由。然則伯夷禮而夔樂。古人久已分官。而班氏乃轉合爲一志。豈非進退無所據歟。鄭樵嘗謂任宏較書能存圖學。而責班固收書而遺圖。此則未知班故仍劉畧。而兵圖亦未爲專部。若圖隨書附。則譜歷一家。亦有帛圖。無者不能使有。有者未嘗刪之。而使無。何鄭氏之不考始末耶。兵制入史。例當著圖。營衛聯絡。關於形勢者也。坐作進退。關於行陣者也。鎗礮機弩。關於技巧者也。不以圖著。而以書敘。則可言而不可行。未免近於紙上之談矣。



方志之載兵事與史部兵制不同府州縣界畫分爲治而軍吏營  
伍之制則互爲犬牙之錯此疆界之不齊者也分防設守各有專  
司惟封疆節鎮始得彙通而使司以下卽有不盡與聞之事此職  
守之不齊者也圖經掌故各司厥職故當敘其政事所及文書所  
行俾後之讀者參互而觀故事之書思過半矣

兵房典吏二人掌收牛驢之租稅

掌採礮硝每年例派採辦毛硝一千四百一十八觔八兩煎成馬  
牙淨硝九百九十三觔十五兩二錢由總督轉檄霸昌道行文採  
辦限四個月內辦齊批解順天西路同知彙呈布政使司轉解工  
部

掌營汛文移永清汛把總詳詳詳詳轄馬兵八名守兵四十三名乾隆  
四十二年調撥文安汛守兵三名實存四十名俸餉米乾銀按季

赴布政使司請領霸州本營都司包封分發到汛按名給散。

馬兵日領餉米銀七分三釐二毫五絲。春冬二季馬乾銀每匹每日四分。夏秋二季馬青銀每匹每日三分。

守兵日領餉米銀四分三釐。

馬兵分習馬步弓箭舞刀。守兵分習步箭鳥鎗舞刀。

把總經管城門鎖鑰看守東南西北城門。各派守兵四名。輪流守視。傳遞公文。協同縣役護解人犯銀兩。額定一犯二解。

字識一名。掌文書之事。歲支餉米銀一十五兩。

掌官府文移之舖。遶東路縣前舖司一人。至于王于今舖。王于今舖司一人。至大站舖。大站舖司一人。至東安縣交界。南路縣前舖司一人。至南八里庄舖。南八里庄舖司一人。至李家口舖。李家口舖司一人。至霸州交界。西路縣前舖司二人。至于林屯舖。于林屯舖

司一人。至固安縣交界。北路不通舖遞。凡文移之至北路者。均由西路遞送。是以西路舖司二人。

掌武生武童之試事。凡歲考額取武童十有二人爲武生。

掌民壯皂隸之冊籍。民壯二十有五人。習弓矢鳥鎗之技藝。霜降則考察其藝業之善否。而進退之。皂隸十人供官吏之役事。

掌大差大役之車乘。凡遇大役徵車乘。民供十之七。旗庄供十之三。車一乘。羸馬四匹。每役一日。官給銀一兩。領銀于順天府。

掌驛遞之馬匹。及夫役工料之奏銷。永清僻處。不通大道。城中畜

遞馬八匹。每匹日支豆六官升。麩二官升。草二束。燈油藥材柴薪

缸力。僅皮條繩索。席片銀其食獸醫一名。馬夫四名。其工食

刑書第五

永清縣志第十三

象魏之法懸於周典。刑書之鑄始聞鄭人。則邦國憲令守在有司。而律令格式之書後代遂紛然而難紀矣。夫史志之文務存大節。而有司之掌自具專科。刑書之用蓋與禮書相爲出入者也。威儀三千而五刑之屬亦曰三千。則出禮入刑其際甚微。其所以辨別而講明之者亦甚重矣。故六代以前史官撰志多取議禮議刑之文。旁及博士經生之論折衷參互欲得是非之平。以爲後世觀法。不徒紀述當時名數。一代章程已也。後世史官既無深思高識。惟據故事而書。不復有所衡鑒。禮志之抄儀注。刑志之錄科條。所由來矣。夫儀注科條存于刑禮。豈古人之所以刑禮者哉。

方志分類不由史例。故五曹皆有紀載。而刑曹無所隸事焉。此則不溯官禮之過也。鄉村或附于輿地。而保甲之制無聞。則是有民

而無政也。政令或具于憲綱而告戒之文不具。則是有政而無教也。且如囚糧通戶曹之經費。柵欄互工曹之興作。六典聯事之義。無往而不得開物成務之原也。夫方志能溯官禮。則事無所遺。史書以意命篇。則要無由挈。編摩之所宜辨也。

或謂封建之世。入國問禁。爲其法令有異也。方志奉行政教。無所事於刑曹之書也。然則學校祭祀同爲律令所頒。何爲多事編摩而獨於斯見逸耶。且土風殊異。因地制宜。掌故成書。亦不盡拘一轍也。至於時有宜否。令有沿革。則亦詳悉志之所以俾觀者之有所考焉。其爲時所通行。而不僅爲永清者。則從略焉。

刑房典吏二人。掌緝捕之事。凡通緝奸究。逃官吏房主之內監。禮房主之軍職。兵房主之歲終。則計其數而彙報其冊籍。入于通緝之簿牒。刑房總其成焉。

掌保甲編戶之法。凡編戶十戶爲牌。牌有長總牌爲保。以村落大小而置地保焉。稽其宵小爲非法者。

城內東街二十一牌南街十七牌西街十三牌北街十一牌

東關廂二牌地保南關廂二牌地保西關廂四牌地保北關廂十八牌地保

東鄉塔兒巷十三牌地保大麻子庄十七牌地保小麻子庄六牌地保張

廷務十牌地保減場十一牌地保李黃庄大荆堡楊家庄九牌地保劉總

其營六牌地保胡家庄七牌地保小荆堡六牌地保武家營七牌地保王佃

庄七牌地保東西董家務十三牌地保雙營十三牌地保萊園七牌地保西

賈家務四牌地保韓家庄西董家務七牌地保東賈家務二牌地保東壯

五牌地保官場三牌地保楊家營沈家街十二牌地保韓村三十五牌地保

東西營十一牌地保東解口七牌地保西解口五牌地保東西橫亭二十

六牌地保南劉李家庄九牌地保劉武營二十牌地保陳各庄十三牌地保

東溜村九牌地保一人西溜村八牌地保一人大站二十牌地保一人北釗十八牌地保一人小

站十二牌地保一人橫上村三十七牌地保一人大范家庄九牌地保一人東趙劉家庄

十牌地保一人辛務村八牌地保一人河西營十七牌地保一人猴家庄七牌地保一人王希十

八牌地保一人徐家庄七牌地保一人雙家小營九牌地保一人老幼屯十六牌地保一人李家

場五牌地保一人前後第六三十四牌地保一人南北朝王十二牌地保一人辛屯二十

二牌地保一人別古庄三十九牌地保一人第七村十六牌地保一人萬金庄七牌地保一人官

道南人營五牌地保一人甄家庄七牌地保一人東張家庄五牌地保一人半截河十九

牌地保一人趙百戶營二十牌地保一人惠元庄十一牌地保一人太平巷九牌地保一人馬家

舖十一牌地保一人大小沈家庄七牌地保一人柴家庄九牌地保一人陳家庄七牌地保一人

鳳凰庄二十牌地保一人第五三牌地保一人柳北十五牌地保一人修家場五牌地保一人瑚

璉店一牌地保一人以上東鄉村庄七十有八地保六百八十五人

南鄉南關宋家庄三十五牌地保一人塔兒營七牌地保一人右奕營十一牌地保一人

前店十五牌地保南八里庄十六牌地保董相庄四十三牌地保東義和

三十八牌地保南辛溜四十五牌地保姚官營十二牌地保土叟村五十

二牌地保南小范家庄九牌地保李通庄十七牌地保陳佃庄十三牌地保

五間房三十牌地保靳各庄七十二牌地保南大王庄七十一牌地保西

務村三十牌地保信安東西舖二百五十八牌地保石各庄甄各庄四

十牌地保李奉先三十六牌地保辛小劉家庄十五牌地保商人庄二十

牌地保三聖口十八牌地保陽和舖三十三牌地保王虎庄九牌地保韓各

庄十六牌地保南辛立庄九牌地保鄧家務二十四牌地保窑窩村六牌

地保后奕四十三牌地保安仁福彙庄十八牌地保陳家庄東南小營六

牌地保小黃村七牌地保魯村十六牌地保粉王庄八牌地保北黃村十五

牌地保龐各庄十六牌地保東辛溜七牌地保渠頭村二十三牌地保西武

家庄十一牌地保朱家庄吳家場十八牌地保東武家庄十一牌地保安



瀾城馮家場馬家場十二牌地保北辛溜十二牌地保大張家場尹家

場十一牌地保東西北麻佃庄十三牌地保南西門村二十牌地保團聚

庄七牌地保趙家場五道口十五牌地保頭屯村二十六牌地保白雁口

四十牌地保第四村劉家場九牌地保辛立張家場三牌地保武家窑五

牌地保小惠家庄九牌地保庄窠村十五牌地保四聖口九牌地保新安庄

十五牌地保大劉家庄九牌地保閘口三十牌地保東西鎮三十二牌地保

一以上南鄉村庄七十有四一千五百二十二牌地保六十一人

西鄉小西關七牌地保西南小營十三牌地保榆林屯十牌地保辛窖十

五牌地保崇禮村十三牌地保趙各庄九牌地保蘓家務十一牌地保陳家

營五牌地保宋家營二牌地保父口七十七牌地保方庄四牌地保大强村

二十六牌地保梨行村四十一牌地保劉官營三十三牌地保景家營二

牌地保瓦古辛庄六十五牌地保喬家營七十二牌地保寇家堡十二牌

地保  
二八國太營十四牌地保  
二八大焦堡八牌地保  
二八韓城十四牌地保  
二八徐官營二十

四牌地保  
二八蔡家營龍鳳庄二十一牌地保  
二八白堡二十六牌地保  
二八老君堂八

牌地保  
二八白廟二十四牌地保  
二八達子營六牌地保  
二八時家營六牌地保  
二八南許家庄

六牌地保  
二八西養馬庄六十牌地保  
二八東養馬庄五十一牌地保  
二八通澤村八牌

地保  
二八夏七十牌地保  
二八雷家營三十四牌地保  
二八小曹家營十牌地保  
二八草廠六牌

地保  
二八南大營五牌地保  
二八東辛立庄三十牌地保  
二八張家營五牌地保  
二八相亭村七

牌地保  
二八李家營二牌地保  
二八南台子村十五牌地保  
二八北台子村四牌地保  
二八黃家

營三牌地保  
二八李謙務三十五牌地保  
二八小強村十五牌地保  
二八姜家屯十五牌

地保  
二八樊庄二十八牌地保  
二八楊官營二十五牌地保  
二八汪家營二十六牌地保  
二八龍

虎庄六十牌地保  
二八北孟三十七牌地保  
二八小青堡九牌地保  
二八大青堡五十九

牌地保  
二八西南小劉家庄十牌地保  
二八石九堡二十五牌地保  
二八李家口六十三

牌地保  
二八義井十牌地保  
二八楊家務四十牌地保  
二八西義和二十一牌地保  
二八以上西

鄉村庄六十有三地保六十八

北鄉小良村三牌地保六十八大良村十六牌地保六十八西桑園十二牌地保六十八泥塘村

十四牌地保六十八南石二十三牌地保六十八韓臺村十七牌地保六十八北大王庄三十牌

地保六十八何麻子營十牌地保六十八王居十七牌地保六十八姚家馬房三十八牌地保六十八邵家

營四牌地保六十八潘家庄十牌地保六十八大盧家庄二十二牌地保六十八馮各庄五牌地保六十八

南戈奕十四牌地保六十八王靳茹輩十五牌地保六十八北小營五牌地保六十八談其營九

牌地保六十八沙窩茹輩三十八牌地保六十八北孫家務楊家庄六牌地保六十八西小仲和

村四牌地保六十八姜志營九牌地保六十八胡其營十三牌地保六十八賈家八里庄十牌地保六十八

查家馬房六牌地保六十八東桑園七牌地保六十八翟仲和村二十四牌地保六十八北戈奕

十七牌地保六十八仙人橋十二牌地保六十八翟吳家庄十牌地保六十八北池口八牌地保六十八小

沈家仲和三牌地保六十八邱家務三牌地保六十八支各庄十二牌地保六十八唐家營九牌

地保六十八北張家庄十牌地保六十八郭家務十一牌地保六十八北許家庄五牌地保六十八孟各庄

五牌地保一八紀家庄十牌地保一八北趙家庄八牌地保一八曹內官營五牌地保一八婁台

村二十四牌地保一八西村營五牌地保一八小曹家庄五牌地保一八苑家務二十四

牌地保一八泥安村二十牌地保一八南北曹家務十六牌地保一八張家野鷄庄五牌

地保一八劉家務十牌地保一八焦家八里庄七牌地保一八仁和舖八牌地保一八北宋家庄

四牌地保一八台子庄三牌地保一八倉上村七牌地保一八陶家八里庄八牌地保一八馬家

店二牌地保一八陳家仲和五牌地保一八遷民屯四牌地保一八眼單屯一牌地保一八袁家

場一牌地保一八以上北鄉村庄六十有三六百六十八牌地保六十一人

掌五軍道理之冊籍凡軍流之犯者一曰附近二曰近邊三曰邊

遠四曰極邊五曰烟瘴。

附近二千里南至江南全椒縣西至山西猗氏縣

全椒縣路程永清縣南至五里霸州辛雄縣辛任邱縣辛河間縣辛

獻縣辛阜城縣辛景州辛山東德州辛恩縣辛高唐州辛在平縣

東阿縣七十里東平州六十里汶上縣六十里滋陽縣五十里鄒縣六十里滕縣二百二十里河

南銅山縣一百五十里宿州一百二十里靈璧縣固鎮司一百二十里鳳陽縣臨淮司二百

定遠縣池河司九十里滁州五十里全椒縣

雋氏縣路程永清縣西至四十里固安縣六十里涿州七十里定興縣七十里安肅縣

清苑縣六十里望都縣六十里定州五十里新樂縣六十里正定縣六十里獲鹿縣五十里井

陘縣一百三十里山西平定州二百里壽陽縣一百三十里榆次縣六十里徐溝縣六十里祁縣

平遙縣六十里介休縣六十里靈石縣一百里霍州五十里趙城縣三十里洪洞縣六十里臨

汾縣六十里太平縣史村驛六十里曲沃縣一百里聞喜縣五十里夏縣四十里安邑縣三十里

猗氏縣

近邊二千五百里南至江南太胡縣西至陝西咸陽縣三原縣

太胡縣路程永清縣南至定遠縣一千八百八十五里已詳附近條下不復綴叙定遠縣一百八合

肥縣一百二十里舒城縣一百二十里桐城縣一百二十里潛山縣六十里太胡縣

咸陽縣路程永清縣西至山西猗氏縣一千九百七十里已詳附近條下不復綴叙猗氏縣里

臨晉縣里永濟縣里陝西潼關廳里華陰縣里華州里渭南縣里

臨潼縣里咸寧縣里咸陽縣

三原縣路程永清縣西至陝西渭南縣二千三百一十里已詳附近條下不復綴叙渭南縣

高陵縣里三原縣

邊遠三千里南至江西德化縣建昌縣浙江富陽縣西至陝西甘

泉縣

德化縣路程永清縣南至江南全椒縣二千零三十里已詳附近條下不復綴叙全椒縣里和

州里當塗縣里蕪湖縣里南陵縣里青陽縣里貴池縣里懷

寧縣里東流縣里江西彭澤縣里湖口縣里德化縣

建昌縣路程永清縣南至江南太胡縣二千五百五里已詳附近條下不復綴叙太胡縣里

宿松縣里湖北黃梅縣里江西德化縣里德安縣里建昌縣

富陽縣路程永清縣南至山東德州五百里已詳附近德州今平原縣

半里禹城縣半里齊河縣四十里長清縣九里肥城縣九里泰安縣一百五十里新泰縣

六里蒙陰縣三百里蘭山縣一百二十里邳城縣一百六十里宿遷縣一百二十里江南桃源縣九里

清河縣三里山陽縣今寶應縣一百二十里高郵州二百六十里甘泉縣五十里丹徒縣七里

丹陽縣九里武進縣九里無錫縣一百二十里吳縣四十里吳江縣一百二十里浙江嘉興縣

二百里石門縣一百二十里仁和縣一百二十里富陽縣

甘泉縣路程永清縣西至三原縣二千四百四十里已詳附近三原縣八十里耀

州半里同官縣半里宜君縣半里中部縣半里洛川縣半里鄜州半里甘泉縣

極邊四千里南至浙江樂清縣福建浦城縣西至甘肅臬蘭縣

樂清縣路程永清縣南至仁和縣二千九百六十六里已詳附近仁和縣三十里蕭

山縣一百里山陰縣三百一十里嵯縣四十里新昌縣一百二十里天台縣九里臨海縣半里黃

巖縣九里太平縣一百八十里樂清縣

浦城縣路程永清縣南至浙江富陽縣三千八百八十六里已詳附富陽縣二百

桐廬縣一百建德縣一百蘭溪縣九十龍游縣七十西安縣二百江山縣二百四十

浦城縣

臯蘭縣路程永清縣西至咸陽縣二千四百九十里已詳附咸陽縣七十醴

泉縣四十乾州九十永壽縣七十邠州八十長武縣一百涇州一百五十平涼縣一百四十

里隆德縣九十靜寧州一百八十會寧縣一百三十安定縣一百五十全縣九十臯蘭縣

烟瘴四千里南至廣東保昌縣實計四千一百七十五里西南至

廣西全川實計四千四百五十七里

保昌縣路程永清縣南至江西建昌縣二千八百八十五里已詳附建昌縣

里安義縣四十奉新縣八十高安縣九十清江縣六十新淦縣九十峽江縣九十

吉水縣四十廬陵縣八十泰和縣一百萬安縣二百四十贛縣八十南康縣一百三十

大庾縣一百二十廣東保昌縣



全州路程永清縣西南至正定縣五百八十里已詳附正定縣六百樂城縣

四里趙州六里栢鄉縣六里內邱縣六里邢臺縣三十里沙河縣四十里邯鄲縣七十里磁

州七十里河南安陽縣四十里湯陰縣四十里淇縣五十里汲縣五十里新鄉縣一百三十里榮澤

縣四十里鄭州九十里新鄭縣九十里許州六十里臨潁縣六十里鄆城縣六十里西平縣六十里遂

平縣六十里確山縣一百八十里信陽州一百五十里應山縣九十里湖北安陸縣六十里雲夢

縣四十里孝感縣一百二十里黃陂縣四十里漢陽縣七十里江夏縣一百八十里咸寧縣一百二十里

蒲圻縣二百四十里湖南巴陵縣二百四十里湘陰縣一百二十里長沙縣五十里善化縣一百

湘潭縣一百八十里衡山縣二百里衡陽縣一百八十里祁陽縣一百里零陵縣一百四十里廣西

全州

掌額設囚糧凡犯徒流以上者官給糧米額設米二十四石制錢萬有二千犯人每名日支米一升監菜錢五文往來遞犯入詳報者給米一升錢五文米折錢十文常犯捐資支給不入報銷其監

犯衣袴每袄一件。表裡用布四十尺。棉花一觔。每袴一條。表裡用布二十二尺。棉花半觔。每布一尺。價銀一分。每花一觔。價銀一錢二分。米石係倉糧內借支。錢文官爲支給。至次年正月。以上年動支錢米人犯名數造冊申部。准銷文轉。按察使司移文布政使司領回歸款。乾隆四十一年七月。奉部新例。每名支米一升。改爲八合三勺。一年人犯逾額。例得加支。

本縣解省犯人。或羈清苑縣監。或羈司獄司監。日給米一升。定價一分八釐。准銷銀一分。其不敷八釐。州縣賠解。保定府衙門兌收發買。

掌修村庄之牆濠柵欄。凡市集村庄。牆濠柵欄。上官檄飭修築完固。并設立更牌。輪流巡邏。每歲冬月。差役巡查各村莊鎮店修築。乾隆四十三年。知縣周震榮。令城鄉每十家派出一人。輪流支更。

以防盜竊。

掌人命盜竊一切獄訟。

掌旅店過客之簿籍書其往來之人而稽察之。循去環來半月一易其簿。

掌鄉村井口之蓋板。凡井之無床者制板蓋之。日啟夜閉防墜溺者。

掌禁宰耕牛。以時出示而厲禁之。

掌捕役件作之名冊。捕役八人。分司四路之竊盜。件作二人。專司驗尸檢傷。

提牢典吏一人。掌監獄之啟閉。禁卒八人。供其役事。

工書第六

永清縣志第十四

周官缺司空而劉歆取考工之記附諸其後非補之也然考工爲司空典籍等於儀禮爲春官典籍也儀禮不入春官而考工不入冬官則以官禮總舉大綱而諸書自存掌故也今日史志取裁官禮而典籍文章皆附焉則以史貴要刪而百氏之書皆當擷取大義也惟擷取大義之故則名數器物不暇一一求詳而謂俎豆存於有司也惟史貴要刪之故則官禮所該無不各備家學而謂作者不妄去取也若云取裁官禮卽當僅存六典之事且不當復敘其掌故則史遷之本紀旨在法春秋矣何以不待三家之傳而自爲列傳歟蓋古今事勢有不得不然者非盡作者之殊致也

工曹之事多不入於工書如河工堤堰已著水道圖矣壇廟城池已著建置圖矣職官表之不入吏書選舉表之不入禮書蓋一例

也體既別而六官掌故不與盡錄焉所以懼其雜也象象文言之不附于本卦易之本體固如是也圖表之不附于書其體亦有截然者矣

事既約畧於圖矣而於書猶存事目者互見之義也劉知幾議紀傳之史以爲此著事具紀中彼著事詳列傳恐不勝其繁也是不知聖人之經亦有互見之例也帝典巡狩岱宗以南概東用西例北日中宵中無非存互見也史書類例不精由於互見之無法也工房典吏一人掌官府解署壇廟城垣之工役

掌經由大路兩傍栽引路之柳株于初春擇擇小樹遷種路傍澆

灌成活東鄉東關廟舊樹二十株新栽八十株塔兒舊樹九十三株新栽一百六十四株大麻子庄舊樹一百八十株新栽一百六十四株

雙營舊樹二百四十株新栽一百四十株武家營舊樹無新栽一百六十四株胡家庄舊樹無新栽一百二十株李黃庄舊樹無新栽一百六十四株塔

兒營舊樹五株新栽一百二十五株東西北麻舊樹二十六株新栽四百六十四株小麻子庄舊樹八十株新栽二百株半截河舊樹無新栽

蘇西小荆堡舊樹無新栽二王希舊樹無新栽四緱家庄舊樹無新栽脩家塲舊樹無新栽二

百株老幼屯舊樹一百一十株新栽一百零三株橫上舊樹五株新栽三百一十五株東趙劉家庄舊樹二十三株新栽一百零八株辛務

十株舊樹無新栽劉總其營舊樹無新栽一百六十株凡二十村庄舊有六百九十二株新種

四千五百一十八株

南鄉南關廂舊樹九株新栽八十株南關舊樹一百二十四株新栽三百八十五株右奕營舊樹二十五株新栽四百五十株南八里

庄舊樹一株新栽司家小營舊樹三株新栽一百一十三株姚官營舊樹無新栽一百一十八株北辛溜舊樹無新栽六

十五西義和舊樹六株新栽三百五十株前店舊樹二十七株新栽一百一十七株李家口舊樹無新栽一百六十株團聚庄舊樹無新栽二

十六凡十一村庄舊有一百八十六株新種二千一百八十七株

西鄉西關廂舊樹七十五株新栽三百零八株通澤舊樹九十六株新栽六株老君堂舊樹三十二株新栽六十三株遷民屯舊樹五株

新栽三十二株榆林屯舊樹二十株新栽八十株义口舊樹六百八十株新栽四百五十株小西關舊樹一株新栽三十一株蔡家營舊樹一百五十株

新栽五株舊樹二百株新栽三百二十株徐官營舊樹一百五十六株新栽一百零二株大强村舊樹二百九十九株新栽五十二株小强

村舊樹一十六株新栽二十四株方庄舊樹一百二十四株新栽二百四十三株凡十三村庄舊有一千九百三十

五株新種二千零二株。

北鄉北關廂舊樹七株新栽一百七十五株賈八里庄舊樹八十一株新栽一百六十二株焦八里庄舊樹四十六株新栽五十一株

褚仲和舊樹無新栽一百二十一株西桑園舊樹六十株新栽二百零四株曹內官營舊樹三百株新栽四百株北許家庄

舊樹無新栽二十五株孟各庄舊樹無新栽三十一株北戈奕舊樹三十三株新栽八十株王居舊樹無新栽二百五十株凡十村庄

舊有三百二十七株新種一千六百株。

右四鄉共列五十四村庄舊有柳樹三千一百四十株新種柳

樹一萬零三百零七株按數詳報。

寧義塚坐落之廢置漏澤園舊志共十一處新設一處。

一在后奕地十二畝知縣王衍義置。

一在李家口地五畝知縣張士奇置。

一在教場地二畝知縣郭名世置。

一在汪家營地八畝典史陳弘謨置。

一在南門外。堤西地四畝。舉人劉曾置。

一在東門外路北地四畝。

一在曹家務地三畝。

一在別古庄地四畝。

一在后夾地三畝。

一在李家口地三畝。知縣楊夢熊置。

新設雙營堤邊一處地十五畝。知縣劉楸置。

掌舉火密座。密戶花名稅銀春秋二季每密一座征銀二兩。赴通

永道衙門輸納。



政略

永清縣志第十五

近代志家以人物爲綱而名宦鄉賢流寓諸條標分爲目其例蓋創於元明之一統志而部府州縣之國別爲書亦用統志類纂之法可爲失其體矣夫人物之不當類纂義例詳于列傳首篇名宦之不當收於人物則未達乎著述體裁而因昧於權衡義理者也古者侯封世治列國自具春秋羊舌肸春秋子所引春秋則君臨封內元年但奉王正而已至封建罷而郡縣守令承奉詔條萬里之外亦如畿內守土之官甘棠之咏召公鄭人之歌子產馬班循吏之傳所以與時爲升降也若夫正史而外州部專書古有作者義例非無可繹梁元帝有丹陽尹傳隋志凡十卷賀氏有會稽太守贊唐志凡二卷唐人有成都幕府記唐志凡二卷起貞元訖咸通皆取莅是邦者注其名蹟其書別出初不與廣陵烈士傳華陽撰見隋志會稽先賢傳謝承撰見隋志益部耆舊傳陳壽撰見隋志猥雜登書是

則棠陰長吏與夫梓里名流初非類附雲龍固亦事同風馬者也  
叙次名宦不可與鄉賢同爲列傳非第客主異形抑亦詳略殊體  
也長吏官於斯土取其有以作此一方與利除弊遺德在民卽當  
尸而祝之否則學類顏曾行同連惠於縣無補志筆不能越境而  
書亦其理也如其未仕之前鄉評未允去官之後晚節不終苟爲  
一時循良便紀一方善政吳起殺妻而效奏西河於志不當追旣  
往也黃霸爲相而譽減潁川於志不逆其將來也以政爲重而他  
事皆在所輕豈與斯土之人原始要終而編爲列傳者可同其體  
制歟

舊志於職官條下備書政蹟而名宦僅占虛篇惟於姓名之下注  
云事已詳前而已是不但賓主倒置抑亦未辨於褒貶去取全失  
春秋之據事直書也夫選舉爲人物之綱目猶職官爲名宦之綱

目也。選舉職官之不計賢否，猶名宦人物之不計崇卑，例不相侔而義實相資也。選舉有表而列傳無名，與職官有表而政略無誌。觀者依檢先後，責實循名，語無褒貶而意具抑揚，豈不可爲後起者勸耶？

列傳之體，縵而文，政略之體，直而簡，非載筆有殊致，蓋事理有宜然也。列傳包羅鉅細，品藻人物，有類從如族，有分部如井，變化不拘，易之象也。敷道陳謨，書之質也。抑揚咏嘆，詩之旨也。繁曲委折，禮之倫也。比事屬辭，春秋之本義也。具人倫之鑒，盡事物之理，懷千古之志，擷經傳之腴，發爲文章，不可方物。故馬班之才，不盡於本紀表志，而盡於列傳也。至于政略之體，義取謹嚴，意存補救，時世拘於先後，紀述要於經綸，蓋將峻潔其體，可以臨莅邦人，冠冕列傳，經緯錯綜，主在樞紐，是固難爲文士言也。

古人有經無緯之書大抵名之以略裴子野取沈約宋書而編年

稱略亦其例也而劉知幾譏裴氏之書名略而文不免煩斯亦未

達於古人之旨矣黃石淮南

黃石公三略淮南子要略

諸子之篇也張溫魚豢

張溫三史略魚

史冊之文也其中亦有謨略之意何嘗盡取節文爲義歟

循吏之蹟難於志鄉賢也治有賞罰賞罰出而恩怨生人言之不

齊其難一也事有廢興廢興異而難易殊今昔之互視其難二也

官有去留非若鄉人之子姓具在則蹟遠者易湮其難三也循吏

惻惻無華巧宦善於緣飾去思之碑半是愧辭頌祝之言難徵實

蹟其難四也擢當要路載筆不敢直道移治鄰封瞻顧豈遂無情

其難五也世法本多顧忌人情成敗論才偶遭望悞彈章便謂其

人不善其難六也舊志紀載無法風塵金石易湮縱能粗舉大凡

歲月首趾莫考其難七也知其難而不敢不卽聞見以存其涯略

所以窮于無可如何而益致其愼爾。

列傳首標姓名。次叙官閥。史文一定之例也。政略以官標首。非惟實主之理宜然。抑亦顧名思義之旨。不可忽爾。舊志以知縣縣丞之屬分類編次。不以歷官先後爲序。非政略之意。故無足責也。

元達魯花赤伯顏察兒。舊志稱其才識精敏。撫綏多方。著有異績。士民立碑思之。其碑不載於志。無可考。

達魯花赤伯顏。舊志云。博達敏惠。士民德之。建祠時祀。祠今無考。達魯花赤紐成甫。德禮率下。政教肅然。舊志云爾。

達魯花赤和尚。舊志稱其志節慷慨。宣威布惠。人不能忘。立碑思之。後歷官至行中書省平章政事。兼樞密知院。大兵農安撫。使其事無所考。碑亦不見於紀載。

知縣盛本初。洪武初年任。城池衙署。廟學壇壝。倉廩府庫。一切皆

其刼建縣人德之從祀名宦

典史周縉字伯紳湖廣武昌人洪武中貢入太學授永清典史居官廉謹攝知縣事捕蝗弭盜俱能盡心燕兵起一時府縣長吏多迎降永清地逼近燕縉極力拒守民爭逃散縉度不可爲懷印南奔將他圖焉道聞母喪還家墓畢卽出糾義旅勤王戰艦戎器畧具聞京師陷乃走匿民間已而蹤跡漸露有司卽其家械送京師縉自分必死慷慨就行至則朝廷特下之獄久之謫戍興州居數年子代還屏迹田園年八十終

知縣許健山東濮州人由監生成化五年任遷建儒學事詳文徵知縣趙志學河南修武縣人由舉人成化二十二年任舊志稱其存心不苟政舉民安從祀名宦事未詳

知縣韓凱年代出處未詳縣地近河水徙被害凱濬河一道水有

所歸免遭泮沒從祀名宦舊志云

知縣李仁山東曹縣人宏治中由舉人任舊志稱其存心正大勤政恤民其事無所考

知縣郭名世山西安邑縣舉人正德四年任值流賊殘害之後收拾瘡痍修舉廢墜築土城五里至今賴之從祀名宦舊志云

知縣張翰弼山東夏津縣監生嘉靖三十年任加意學校捐俸購書舊志云

知縣王業徐州舉人嘉靖三十二年任時遭水患目擊民艱緩徵薄歛請裁重役寄養馬匹得減大半又多方賑濟存活無算陞湖廣道御史舊志云爾裁減寄養馬匹事無可考惜哉

知縣胡來縉陝西秦州舉人隆慶五年任清操律已愷悌宜民陞兵備副使舊志云爾副使亦不知何統部也

知縣臧仲學遼東廣寧衛舉人隆慶五年任崇備重道修葺學宮舊志云爾。

知縣劉希孔山西長治縣舉人萬歷四年任建長堤五十餘里立常平倉行條編法清隱墾荒鋤兇獎善舊志云爾按條編爲嘉靖年功令萬歷中始盡行之此乃國法非德政也。

知縣張士奇陝西宜君縣人由恩貢萬歷七年任摘奸發伏民無遁形合邑悅服舊志云爾語亦近于乞也。

知縣岳九達河南獲嘉縣人萬歷丙戌進士二十四年任時固安築堤障水東流上官檄永清僉民助役九達牒上官曰嘗聞禹疏九河惟行無事桓嚴五命致謹曲防蓋水之爲道也太上導之其次因之至區區以鄰國爲壑乃策之最下者也當今渾河爲害甚矣南流則強村等處受其害東流則北歌等處並縣城池受其害。



此時既不能導之使無汎濫之虞。然或南或北。聽其自至。爲害爲利。一出無心。在享其利者。固仰賴洪庥。卽被其害者。亦罔所致憾。此亦因之之說也。矧決之使泛濫乎。決之南流。殃及民產。其甌小決之東流。殃及城池。其甌大。擇害莫如輕。故公私僉謂今日南流爲稍便也。今固安築堤。障之使東。是固安之利。永清之害也。利在固安。而害及永清。不阻其役。不撓其成。知縣強顏忍耻。亦云愧矣。乃復役使其民。協濟修堤。親胼胝之勞。速襄陵之患。何異割已之肉。療人之饑。孰非朝廷赤子。何其不情之甚乎。自嘉隆以來。水屯永清城下。四十餘年。爲永清者。自溺自拯。固未嘗號救於鄰封。而爲固安者。豈曾效一手一足之助哉。今日之固安。卽昔日之永清也。何不修永清之故事。而紛紛然徵役於四鄰耶。夫助之而不害于已者。尚不失恤隣之雅誼。乃驅人之患。招已之災。其誰肯爲之。

且爲知縣者。上不能留去後之恩。下亦不當叢目前之怨。使今日  
協濟而堤果築。水果東。異日漂沒永清城池。魚鱉永清士庶。俾受  
害者。追及首旤。則皆卑職今日助夫築堤之開釁也。永清人士。將  
謂職爲何如人乎。而職亦何顏謝此士民也。爲民上者。任勞任怨。  
固所不辭。不知如此之勞。如此之怨。可任否耶。倘今日必欲以三  
尺從事。則永邑人士。敢不趨走奔命。第通以民情。則役出無名。恐  
非佚道之使也。惟酌量民情。慨然罷協濟之役。是造福於永清者。  
實垂奕世之洪恩。而民尸祝盛德者。且將與此河同悠久矣。由此  
獲免其役。歲省千金。縣人至今德之。

知縣王嘉績。山西安邑縣舉人。萬歷三十七年任。秉性慈祥。政尚  
寬大。民慕德澤。舊志云。

知縣楊夢熊。山西聞喜縣舉人。萬歷四十一年任。才力精敏。以愛

養節用爲務。歷陞湖廣兵備副使。舊志云。

知縣胡其俊。湖廣孝感縣人。由進士。萬歷四十五年任。發奸摘伏。吏民畏之。陞監察御史。舊志云。

知縣張堪。陝西褒城縣人。由進士。天啟七年任。舊志云。時驛馬與管庫。永民受累。堪能精心處置。悉得省費便公。且剔蠹鋤奸。民始不病。治永一載。卽調良鄉。去日。百姓揮淚如失慈母。歷陞兵備副使。驛馬管庫。文義不明。事無所考。

知縣王象雲。山東新城縣人。由進士。崇正二年任。時值薊火初臨。嗣攻永清。人無鬪志。日數十驚。象雲命男婦乘城。備設插木砲石。數攻不下。卒保孤城。縣人建祠祀之。

知縣李鑑。四川安縣人。由進士。崇正四年任。時鄰境有土賊之變。鑑乃練鄉壯。繕甕城。積軍需。禮武弁。民恃以無恐。有大獄。片言折

之民無冤抑。先攝武清縣事。武清人相率卧轍。永清人曰我父母。武清人亦曰我父母。相爭境上。後歷陞總督宣大軍務。兵部侍郎。副都御史。舊志云爾。事實未詳。

知縣余世名。江西奉新縣舉人。崇正七年任。舊志稱其推誠待下。人不敢欺。事未詳。

知縣張允捷。山東萊陽縣人。由進士。崇正十二年任。舊志稱其洞悉民隱。寬猛得宜。

典史侯光國。山西靈石人。崇正八年任。丙子城破。羈縣七年。壬午之變。捐軀死難。

知縣高維岱。山東昌邑人。由貢生。崇正十五年任。治縣僅旬餘。卽聞烽警。亟謀守禦。聚軍儲選壯士。盡編入伍。分守城垣。次日未晡。兵臨城下。縣人死戰。未幾火藥矢石皆盡。敵衆勢寡。城陷。維岱死。

之闔門殉難舊志云

典史李時正山西霍州人崇正十四年任亦死壬午之難事未詳

典史王世案山西祁州人明崇正十六年任上文不敘朝代當益本初文也此處加明字明之終也甲

申之變京師既陷士寇四起城門盡閉危在旦夕攝縣事周姓不詳

舊志稱周判官聞風宵遁士民留世案晝夜防禦三月二十六日縣北曹

家務有劇賊三百餘人自號義兵宣言縛賊送縣世案登城偵視

與衆約曰若輩聞礮聲卽出及偵得狀礮舉兵民齊出擒賊四十

餘人群情始懾於是各村皆團練擒賊四境稍安已上刊正舊志

之文云爾按永清于崇正丙子壬午兩遭兵燹舊志不載守禦殉

節之詳當以庸耳俗目於

門革之間恐有忌諱云爾夫

聖朝忠厚開基扶植名教故明殉節之臣

特賜褒錄。史傳所載炳若丹青。

列聖恢宏之度。實曠古所未聞也。永清蕞爾彈丸。幾歷兵戈之患。豈無愚忠愚孝。效彼頑民。循覈始終。爲

與朝所嘉許者乎。拘牽俗忌。世遠年湮。遂使無可蹤迹。惜哉。

知縣龐太樸。山西高平人。由進士順治三年任。有治才。尤重學校。諸生千兩造者。終身鄙薄其爲人。是可爲治縣法矣。

知縣馬有用。遼東寧遠人。由貢生順治九年任。舊志稱其與物無忤。罰不遺於勢貴。事未詳。其贊語駢麗。尤近市井。刪之。

知縣丁棟。福建同安人。由貢生順治十三年任。值歲多歉。請蠲請賑。縣人稍甦。

知縣張有傑。江西臨川人。由進士康熙五年任。編審有法。徵賦從寬。歷陞工部郎中。舊志云。

知縣連應鄭山東樂安人由進士于康熙九年任蒞官四年以呈誤去持躬寬厚性好恢諧舊志稱其建學宮于農隙之候修邑城于力暇之日賦無苛急刑多平允亦泛語近市者也

知縣萬一旼江南丹徒人由舉人康熙十二年任永清舊志一旼所撰輯也志云聽訟最喜平和收租不迫追呼興作不繁贖鍰不事遂使黎元日以輯睦而戶口增添地方帖然無事而非里多稔因我縣新纂邑乘故闕庠公擬記實其言猥俗不根不知一旼知而使之然歟抑一旼旣去而無識之徒從而附會之歟今存其文而別白其說且其善政或不盡出于誣事實不詳則又載筆者之過也

訓導喬寓宣鎮懷安衛人康熙十四年任居心平易馭事果決寬嚴訓士功過處得其宜亦市語也姑存之

典史王錫祚浙江會稽人。康熙十五年任。舊志稱其政事深嫻。民情洞悉。其餘語多猥俚。刊去不錄。

教諭董錕。豐潤人也。康熙四十三年任。四十六年致仕歸。錕有德望。既去。諸生爲立去思之碑。稱其捐俸修學校。上官檄委築堤。及監賑饑民。俱有實效。惜碑記泛作駢語。不臚事實。是以不獲考其詳也。

知縣蘭第錫。山西吉州人。乾隆庚午舉人。二十七年壬午來任。時永清連歲水潦。饑民無以爲生。第錫牒請加賑。又自爲粥於路。食餓者萬千人。癸未飛蝗入境。躬率士民力撲除之。一夕蝗盡飛去。封內草木俱無所犯。聞者異焉。有劇盜蔓延四處。剽掠村落。鄉鄙不寧。第錫聽訟。偶詰得其從徒。具知聚落。卽夜發吏卒。疾馳赴之。賊負隅抗兵。吏畏蒞。莫敢誰何。第錫奮先入穴。衆湧繼之。盜魁股



果悉就束縛。無得逸者。縣多旗庄。民間賃種旗地。而旗人或有不  
禁。侵擾鄉民。民患苦之。第錫懲其豪猾。四境貼然。人無犯者。暇則  
修治學校。課廸士子。學者多興起焉。乙酉擢大興知縣。士民至今  
思之。